



Aitzpea Leizaola. Interbentzioak

Joan den urtarrilaren 30ean Armagabatzea eta armen desagitea diseinatu, garatu eta gauzatzea ardatz zuen III Foro Soziala ospatu genuen Gernikan.

2016ko Otsailaren 28, Donostian, Foroan bildutako ondorioak aurkeztu genituen eta bilera erronda bat egiteko asmoaren berri eman genuen, Eusko Jaurlaritza eta Nafarroako Foru gobernuarekin, partidu politiko bai eta gizarte zibileko hainbat eragilerekin -azken horien artean, azpimarratzekoa da gaur hemen diren sindikatuetakoa ordezkaritza, bertaratutako idazkari nagusien bidez.

Foro Sozial Iraunkorrak Espainiako eta Frantziako Gobernuen jarrera oztopatzaileen aurrean harridura adierazi nahi du. Antzeko kasuetan erabili diren nazioarte mailako estandar guztiak hautsi dituzte bi gobernuak. Armagabatze ordenatu bat egikaritzeko asmorik ez dutela baieztatu dezakegu.

Foro Sozial Iraunkorrak Nazioarteko Egiaztatze Batzordeak baldintza ikaragarri zailtan egindako lana azpimarratu eta eskertu nahi.

Azkenik, blokeo askotarikoak deitu ditugunen artean, aipatzekoa da adostasuna lortu arte mahaian esertzeko partidu politikoen gaitasun falta. Honen aurrean, Iparraldean, 2014ko "Baionako Akordioak" erakusten duen moduan, desberdinen artean elkarrizketarako gaitasun handiagoa egon dela frogatu ahal izan dugu.

Askotariko blokeo hauen aurrean, Foro Sozial Iraunkorraren iritziz azken faseari ekiteko garaia da, lehen bai lehen erabateko armagabetze egoera batera igaro ahal izateko armategien suntsiketa bidez.

ETAk jarduera armatua utziz geroztik bost urte igaro diren honetan, ETAk euskal gizartearekiko, eragile instituzional, politiko, sindikal eta sozialekiko armagabetze prozesu bat abiatu behar duela deritzogu, helburu batekin: erabateko eta behin behitiko armagabetzea gauzatzea.

Armagabetzea baldintza egokietan gauza dadin, alde batetik prozesuan parte hartzen duten guztientzat segurtasun bermeak ezinbestekoak dira, eta bestetik arduradun instituzionalen, partidu politikoen zein gizarte zibileko eragileen bai eta nazioarteko komunitatearen parte hartzea ezinbestekoak dira ere.

Cinq ans après la fin de son activité armée, ETA doit entreprendre un processus de désarmement avec la société basque, ses acteurs institutionnels, politiques syndicaux et sociaux en vue d'un résultat : s'accorder sur un désarmement intégral et définitif

Afin que ce désarmement puisse se dérouler dans des conditions adéquates, il est nécessaire, d'une part que la sécurité des intervenants soit garantie dans ce processus, et, d'autre part que les responsables institutionnels, les partis politiques, les acteurs de la société civile et de la communauté internationale participent et collaborent.

Helburu hau egikaritze bidean eman ditu Foro Sozial Iraunkorrek lanean azken zortzi hilabeteak.

Horretarako maila goreneko bilerak izan ditugu arlo instituzionalean Eusko Jaurlaritzan eta Nafar gobernuarekin, bai eta Nafarroako Parlamentuko Presidentearekin.

Partidu politiko guztiei, eta azpimarratzen dut, GUZTIEI, bilera eskariak luzatu dizkiegu. Euskal Autonomia Erkidegoan, parlamentuan ordezkariak duten honako partiduekin bildu gara: EAJ, Podemos, Euskal Herria Bildu, Sortu, Euskadiko Partidu Sozialista eta Ezker Anitza-Izquierda Unida.

Nafarroan, Geroa Bai, Podemos, Euskal Herria Bildu, Ezkerra-Izquierda eta Nafarroako Partidu Sozialistarekin bildu gara.

Honez gain, Pariseko presondegian dagoen armagabetzerako ETako delegatua den David Plarekin bilera eskatua dugu epailearen bitartez.

Era berean, gizarte zibileko honako erakundeekin bildu gara: ELA, LAB, Comisiones Obreras, STEILAS, ESK, EHNE, Sare, Etxerat, Baketik, Ahotsak, Uharan, Egiari Zor, Gernika Gogoratuz, Gernika Batzordea, Hitz&Hitz, Bilgune Feminista eta Mundu Bat eta Bakea eta duintasuna Gobernu Kanpoko Erkundeekin, bai eta norbanako mailan, hainbat pertsonekin ere.

Ipar Euskal Herrian, instituzio berriaren eraketaren eztabaida dela eta, harreman errondari 2017ko urtarrilean emango zaio hasiera. Honez gero, baina, lanaren zati bat egin dago jada bertan: 2014ko Baionako Deklarazioa dugu oinarrian.

Bilera sorta zabal honetatik honako ondorioak plazaratu nahi ditugu:

Lehenik, bai bileratan, zein jasotako ekarpen idatzietan, eragile guztien aldetik ETaren armategien suntsiketa bidezko erabateko armagabetze prozesuan aurrera egiteko adostasuna dagoela egiaztatu ahal izan dugu.

Bigarrenik: prozesua arrazoizko epe eta adostutako egutegi baten baitan gauzatu behar da.

Eta azkenik, prozesuak nazioarteko egiaztapena beharrezkoa du eta gauzatzen ari denaren ziurtasuna eman behar zaio Euskal gizarte osoari, euskal instituzioei eta parte diren estatuei.

Eragile instituzionalen, politikoen eta sozialen aldetik Nazioarteko Egiaztatze Batzordearekiko onespena dagoela ikusi ahal izan dugu.

Desadostasun puntuak dauden arren, Foro Sozial Iraunkorrek akordioak erraztea du helburu, eta hortaz, bategite esparruak azpimarratzea dagokio.

Hemendik, pertsonalki eskerrak eman nahi dizkizuegu bertaratu zareten guztioi, gehiengoak gurekin bat egin duzuelako gaur Aieteko areto sinboliko honetan.

Egin diguzuen harrera ederra eskertzen dizuegu. Eskerrak ematen dizkizuegu halaber, gizarte zibilak, erakunde eta partidu politikoeekin batera, egin ditzakeen ekarpen lanetan Foro Sozial Iraunkorrari adierazitako errespetu eta aitortzagatik.

Gizarte zibiletik konbentzituta gaude honako triangulazioaren hiru ardatzen arteko akordioetatik soilik etorriko dela irtenbidea: instituzioak, gizarte zibila eta Egiaztatze eta Jarraipen Batzordearen jarduna.

AZKEN PARTEA

Jaun andere parlamentariak, Ipar Euskal Herriko hautetsiak, partidu politikoetako arduradunak.

Denbora tarte mugatua duzue: Gasteizko Parlamentuaren legegintzaldia, atzo abiatu zena, 2017ko urtarrilean Ipar Euskal Herrian elkargo berriaren osaketak abiaraziko duen aro berriarekin bat egiten duena. Amaiera data duen tarte da, Nafarroako Parlamentuaren disoluzioarekin bukatuko dena 2019ko udaberrian.

Gatazkaren ondorioen konponketaren arlo desberdinak bideratzen lagun ditzakeen prozesuan aurrera egiteko epeak markatzen dituzte bi datok.

Gaur, toki sinboliko honetan, erantzunkizun politikoz jardutea eskatzen dizuegu, batzen zaituztena banatzen zaituztenaren gainetik jarritz.

Gizarte zibil antolatua, eta bereziki Foro Sozial Iraunkorrean bildutako entitateek eta norbanakoek, gure babesa ziurtatzen dizuegu bide bateratzaile eta behin betikoa abian jartzea erabakiz gero.

Ez dugu galtzeko denborarik. Hitz egin ezazue, arren. Goizalderarte, hala behar izanez gero. Etorkizuneko belaunaldiek, gure seme-alabek ez ligukete barkatuko.

Goizean Foro Sozial Iraunkorra eratu berri dugu.

Gaurtik hasita, hementxe bertatik, guztiok, zuek eta guk, ekin diezaigun lanari.